

Članak 24.

U članku 79. iza stavka 2. dodaje se novi stavak 3. koji glasi:
 “Kandidat za ravnatelja osnovne škole, uz prijavu na natječaj, dostavlja i svoj program razvoja škole za period na koji se imenuje.”
 Stavci 3. i 4. postaju stavci 4. i 5.

Članak 25.

U članku 81. stavak 1. iza alineja 1. dodaje se nova alineja 2. koja glasi:
 “- odlučuje o prijemu uposlenika u radni odnos”.
 U članku 81. alineja 3. mijenja se i glasi:
 “- odlučuje o raspoređivanju uposlenika na poslove sukladno općim aktima škole”.
 U članku 81. stavak 1. alineja 2., 3. i 4. postaju alineje 3., 4. i 5.

Članak 26.

U članku 82a. iza stavka 6. dodaje se novi stavak 7. koji glasi:
 “Jedan Nadzorni odbor može se imenovati za više škola na području općine”.

Članak 27.

Iza članka 82b. dodaje se novi članak 82c. koji glasi:

“Članak 82c.

U općinama na području Kantona koje imaju pet i više osnovnih škola, Ministarstvo obrazuje aktiv ravnatelja osnovnih škola.
 Aktiv ravnatelja osnovnih škola može se formirati za dvije ili više općina.
 Aktive ravnatelja čine ravnatelji osnovnih škola sa područja jedne ili više općina.
 Aktom o obrazovanju aktiva ravnatelja utvrđuje se sastav i poslovi aktiva ravnatelja.
 Aktiv ravnatelja donosi poslovnik o radu kojim se uređuje način rada.”

Članak 28.

U članku 84. stavak 1. iza alineje 3. dodaje se alineja 4. koja glasi:
 “- Pedagoško vijeće”.

Članak 29.

Iza članka 87. dodaje se članak 87a. koji glasi:

“Članak 87a.

Sastav i način rada Pedagoškog vijeća bliže se uređuje pravilima škole.”

Članak 30.

U članku 99. stavak 1. iza alineje 1. dodaje se nova alineja 2. koja glasi:
 “- Kriterije za proglašenje učenika generacije iz članka 49. ovog Zakona.”

Članak 31.

Zakonodavno-pravna komisija Sabora Kantona utvrdit će prečišćeni tekst Zakona o osnovnoj školi u roku od 60 dana od dana stupanja na snagu ovog Zakona.

Članak 32.

Ovaj Zakon stupa na snagu narednog dana od dana objave u “Službenim novinama Tuzlanskog kantona”.

Bosna i Hercegovina
 Federacija Bosne i Hercegovine
 TUZLANSKI KANTON
 Sabor
 Broj: 01-02-371-25/01
 Tuzla, 28. 2. 2002. godine

Predsjednik
 Sabora Tuzlanskog kantona
Dr. Izet Žigić, v.r.

56

Na osnovu poglavlja IV, odjeljak B, člana 33. stav 1. tačka e) Ustava Tuzlanskog kantona, donosim

UKAZ

O PROGLAŠENJU ZAKONA O IZMJENAMA I DOPUNAMA ZAKONA O SREDNJOJ ŠKOLI

Proglašava se Zakon o izmjenama i dopunama Zakona o srednjoj školi, koji je donijela Skupština Tuzlanskog kantona na sjednici od 28. 2. 2002. godine.

Broj: 01-190/02
 Tuzla, 11. 3. 2002. godine

Predsjednik
 Tuzlanskog kantona,
Mr. Selim Bešlić, v.r.

ZAKON

O IZMJENAMA I DOPUNAMA ZAKONA O SREDNJOJ ŠKOLI

Član 1.

U Zakonu o srednjoj školi (“Službene novine Tuzlansko-podrinjskog kantona”, br. 4/96, 9/97 i 5/98 i “Službene novine Tuzlanskog kantona”, br. 9/99) član 1. mijenja se i glasi:

“Ovim Zakonom uređuje se obavljanje djelatnosti srednjeg obrazovanja, osnivanje, organizacija i finansiranje rada srednje škole, organizovanje i izvođenje obrazovno-odgojnog rada u srednjoj školi, način imenovanja i nadležnost organa srednje škole, status nastavnika, stručnih saradnika i saradnika, status učenika i druga pitanja u vezi sa obavljanjem djelatnosti srednjeg obrazovanja.”

Član 2.

Član 2. mijenja se i glasi:
 “Djelatnost srednjeg obrazovanja, u skladu sa ovim Zakonom, obavlja srednja škola.
 Srednja škola je ustanova u kojoj se vrši srednje obrazovanje i odgoj učenika koji su završili osnovnu školu.
 Srednja škola ima status pravnog lica.”

Član 3.

Član 3. mijenja se i glasi:
 “U srednjoj školi nastava se izvodi na službenim jezicima Tuzlanskog kantona.”

Član 4.

Član 4. mijenja se i glasi:

“Kada u srednjoj školi ima najmanje 30 učenika pripadnika etničke zajednice, za njih se u školi organizira i nastava jezika etničke zajednice.

U srednjoj školi, u kojoj se obrazuju učenici pripadnici samo jedne etničke zajednice, cjelokupna nastava se izvodi na jeziku te etničke zajednice, uz obavezno savladavanje nastave jezika iz člana 3. ovog Zakona.”

Član 5.

Član 5. mijenja se i glasi:

“Strani državljani i osobe bez državljanstva imaju pravo da stiču srednje obrazovanje i odgoj na području Tuzlanskog kantona (u daljem tekstu: Kanton) po odredbama ovog Zakona u skladu sa konvencijama, ugovorima i sporazumima koje je Bosna i Hercegovina zaključila sa drugim državama ili međunarodnim organizacijama.”

Član 6.

Član 6. mijenja se i glasi:

“Srednje obrazovanje i odgoj je djelatnost od posebnog društvenog interesa.”

Član 7.

Član 7. mijenja se i glasi:

“Razvoj djelatnosti srednjeg obrazovanja i odgoja utvrđuje se dugoročnim programom razvoja srednjeg obrazovanja i odgoja (u daljem tekstu: Dugoročni program), koji donosi Skupština Kantona.

Dugoročnim programom iz stava 1. ovog člana, naročito se utvrđuje obim potreba za obrazovanjem i odgojem određenog profila kadrova, kao i vrsta i broj ustanova srednjeg obrazovanja i odgoja.”

Član 8.

Član 8. mijenja se i glasi:

“Srednju školu može osnovati domaće i strano pravno i fizičko lice u svim oblicima svojine, u skladu sa ovim Zakonom i Dugoročnim programom.

Srednju školu za vjerske službenike može osnovati vjerska zajednica.

Srednju školu kao javnu ustanovu osniva Skupština Kantona i općinsko vijeće, kada osigura sredstva za osnivanje i rad srednje škole.

Izuzetno, srednju školu kao javnu ustanovu može osnovati i vjerska zajednica samostalno ili sa drugim pravnim ili fizičkim licem, kada Skupština Kantona ocijeni da za osnivanje srednje škole postoji javni interes.”

Član 9.

Član 9. mijenja se i glasi:

“Srednju školu mogu osnovati dva ili više osnivača.

Ako srednju školu osnivaju dva ili više osnivača, njihova međusobna prava, obaveze i odgovornosti uređuju se ugovorom.”

Član 10.

Član 10. mijenja se i glasi:

“Aktom o osnivanju srednje škole utvrđuje se naziv, djelokrug rada i druga pitanja od značaja za rad srednje škole.

Prije donošenja akta o osnivanju srednje škole koja nema status javne ustanove, osnivač mora pribaviti saglasnost Ministarstva obrazovanja, nauke, kulture i sporta Tuzlanskog kantona (u daljem tekstu: Ministarstvo).”

Član 11.

Član 11. mijenja se i glasi:

“Srednje škole na području Kantona, osnivaju se i rade u skladu sa Pedagoškim standardima za srednje obrazovanje i odgoj (u daljem tekstu: Pedagoški standardi) i Normativima školskog prostora, opreme i nastavnih sredstava (u daljem tekstu: Normativi).

Osnivač srednje škole obezbjeđuje sredstva potrebna za osnivanje i rad srednje škole u skladu sa Pedagoškim standardima i Normativima.

Skupština Kantona obezbjeđuje sredstva potrebna za osnivanje i rad srednje škole kao javne ustanove, osim kada srednju školu kao javnu ustanovu osniva općinsko vijeće.”

Član 12.

Član 12. mijenja se i glasi:

“Pedagoške standarde i Normative iz člana 11. ovog Zakona donosi ministar obrazovanja, nauke, kulture i sporta (u daljem tekstu: ministar), a nakon obavljene javne rasprave.”

Član 13.

U članu 14. dodaje se novi stav 2. koji glasi:

“Kod osnivanja srednje škole kao javne ustanove, komisiju u ime osnivača imenuje Ministarstvo.”

Član 14.

U članu 16. iza stava 1. dodaje se novi stav 2. koji glasi:

“Provjeravanje uslova, iz stava 1. ovog člana, Ministarstvo vrši u skladu sa propisima koji uređuju upravni postupak.”

Stavovi 2. i 3. postaju stavovi 3. i 4.

Član 15.

Član 23. mijenja se i glasi:

“Rad srednje škole je javan.

Srednja škola ima pečat, u skladu sa aktom o osnivanju te škole.

Srednja škola, čiji je osnivač ili prema kojoj je prava osnivača preuzela Skupština Kantona, ima pečat sa grbom Tuzlanskog kantona.”

Član 16.

Član 31. mijenja se i glasi:

“Nastavni plan i program donosi Ministarstvo, nakon provedene javne rasprave i uz stručno mišljenje Pedagoškog zavoda.”

Član 17.

Iza člana 46. dodaje se novi član 46a. koji glasi:

“Član 46a.

Na području Kantona mogu se osnovati slijedeće srednje škole:

- Gimnazija u kojoj se, pored općeobrazovnog programa, ostvaruju i posebni programi prema tipu gimnazije;
- Srednja umjetnička škola u kojoj se, pored odgovarajućeg općeobrazovnog programa, ostvaruje i program iz oblasti muzičke i baletske umjetnosti;

- Srednja tehnička i srodna škola IV stepena stručnog zvanja, odgovarajuće struke;

- Srednja stručna škola u kojoj se, pored odgovarajućeg općeobrazovnog programa, ostvaruje stručni program III i IV stepena stručne spreme, te stiču zanimanja odgovarajuće struke;

- Srednja škola za učenike sa smetnjama u tjelesnom i fizičkom razvoju, u kojoj se ostvaruju stručni, posebno prilagođeni programi za obrazovanje učenika sa smetnjama u psihičkom i tjelesnom razvoju;

- Srednja škola za vjerske službenike u kojoj se, pored odgovarajućeg općeobrazovnog programa, ostvaruje i poseban program za obrazovanje vjerskih službenika;

- Mješovita srednja škola u kojoj se, pored odgovarajućeg općeobrazovnog programa, ostvaruje i program srednje tehničke i srodne škole i srednje stručne škole;

U srednjoj školi, pored realiziranja programa općeobrazovnog i odgovarajućeg stručnog dijela, iz stava 1. ovog člana mogu se realizirati i programi dopunskog obrazovanja i stručnog usavršavanja.”

Član 18.

U članu 47. iza stava 2. dodaje se novi stav 3. koji glasi:
“Izuzetno, u gimnaziji se mogu obrazovati i vanredni učenici uz saglasnost Ministarstva.”

Dosadašnji stav 3. postaje stav 4.

Član 19.

U članu 48. stav 3. briše se.

Član 20.

U članu 49. dodaje se novi stav 2. koji glasi:
“U gimnaziji se može organizirati polaganje međunarodne mature.”

Član 21.

U članu 56. stav 1. iza riječi “redovni” dodaju se riječi “i vanredni”.

Član 22.

U članu 62. stav 2. treći red riječi “koje utvrđuje Pedagoški zavod” brišu se.
Stav 3. briše se.

Član 23.

Član 66. mijenja se i glasi:
“Bliži propis o sadržaju i načinu polaganja mature u tehničkoj i srodnoj školi, za redovne i vanredne učenike, donosi ministar.
Organiziranje provjere znanja učenika na maturi u tehničkoj i srodnoj školi, utvrđuje se Pravilima škole.”

Član 24.

Član 69. mijenja se i glasi:
“U srednjoj stručnoj školi mogu se realizirati i odgovarajući programi stručnog obrazovanja I i II stepena stručne spreme, odnosno stručno osposobljavanje putem kurseva.
Sticanjem obrazovanja iz stava 1. ovog člana ne stiče se srednja stručna sprema.”

Član 25.

U članu 81. stav 1. iza riječi “obrazuju” dodaju se riječi “redovni i vanredni”.

Član 26.

U članu 82. iza riječi “imam” dodaju se i riječi “mualim, mualima”.

U članu 82. na kraju rečenice riječ “mualima” briše se.

Član 27.

U članu 86. stav 2. briše se.

Član 28.

U članu 87. stav 4. mijenja se i glasi:

“Kriterije za upis u I razred srednje škole donosi ministar.”

Iza stava 4. dodaje se novi stav 5. koji glasi:

“Plan upisa u prvi razred srednjih škola na području Kantona, za svaku školsku godinu, donosi ministar, uz saglasnost Vlade Kantona.”

Član 29.

U članu 99. stav 1. riječi “sredinom i” brišu se.

U stavu 3. riječi “klasifikacionog perioda” zamjenjuje se riječju “polugodišta”.

Član 30.

U članu 116. stav 1. riječ “razreda” briše se.

Iza stava 2. dodaje se novi stav 3. koji glasi:

“Zajednice učenika škola mogu se udruživati u Zajednicu učenika škola srednjih škola općine i Zajednicu srednjih škola Kantona”.

Član 31.

Iza člana 116. dodaje se novi član 116 a. koji glasi:

“Član 116 a.

U ostvarivanju utjecaja na poboljšanje kvaliteta odgoja i obrazovanja, roditelji učenika srednje škole formiraju Savjet roditelja.

Bliži propis o formiranju i radu Savjeta roditelja donosi ministar.”

Član 32.

U članu 119. stav 3. briše se.

Član 33.

U članu 123. stav 2. mijenja se i glasi:

“Troškovi ljekarskog pregleda padaju na teret Vlade Kantona.”

Stav 3. mijenja se i glasi:

“Osoba koja boluje od zarazne, duševne bolesti ili psihičkog poremećaja, alkoholizma ili narkomanije, ne može raditi u srednjoj školi.”

Iza stava 3. dodaje se novi stav 4. koji glasi:

“Odluku o visini troškova ljekarskog pregleda donosi Vlada Kantona, na prijedlog Ministarstva.”

Dosadašnji stav 4. briše se.

U članu 123. i u cijelom tekstu Zakona riječ “radnici” u odgovarajućem padežu zamjenjuje se riječju “zaposlenici”.

Član 34.

U članu 124. i u cijelom tekstu Zakona riječ “42-satne” zamjenjuje se riječju “40-satne”.

Član 35.

U članu 129. iza stava 1. dodaju se novi stavovi 2. i 3. koji glase:
 “Verifikovanje nastave nastavnika, stručnog saradnika i saradnika za vrijeme obavljanja odgojno-obrazovnog rada prije položenog stručnog ispita, vrši mentor.

Do momenta sticanja uslova za samostalan odgojno-obrazovni rad nastavnika, stručni saradnik i saradnik radi po instrukcijama i pod nadzorom mentora.”

Dosadašnji stavovi 2., 3. i 4. postaju stavovi 4., 5. i 6.

Član 36.

U članu 130. stav 1. riječi “Za samostalno izvršavanje” se zamjenjuju riječima “Kvalitet samostalnog izvršavanja.”

Član 37.

U članu 138. stav 1. mijenja se i glasi:

“Srednjom školom upravlja Upravni odbor koji ima tri člana.”

Iza stava 4. dodaje se novi stav 5. koji glasi:

“Prilikom imenovanja Upravnog odbora škole, Vlada Kantona je dužna voditi računa o ravnopravnoj zastupljenosti polova.”

Dosadašnji stavovi 5., 6. i 7. postaju stavovi 6., 7. i 8.

Član 38.

U članu 139. alineja 1. mijenja se i glasi:

“- utvrđuje prijedlog upisa učenika u prvi razred.”

Alineja 13. se mijenja i glasi:

“- odlučuje o prigovorima zaposlenika na odluke direktora o pravima i obavezama iz radnog odnosa.”

Član 39.

U članu 141. stav 1. tekst “na osnovu provedenog konkursa” briše se.

Član 40.

U članu 142. dodaje se stav 2. koji glasi:

“Kandidat za direktora srednje škole, uz prijavu na konkurs, dostavlja i svoj program razvoja škole za period na koji se imenuje.”

Član 41.

U članu 143. alineja 4. mijenja se i glasi:

“- odlučuje o prijemu i raspoređivanju zaposlenika srednje škole na poslove i utvrđuje ocjenu o njihovom radu, u skladu sa općim aktima škole.”

Alineja 8. mijenja se i glasi:

“- utvrđuje prijedlog unutrašnje organizacije i drugih općih akata srednje škole.”

Član 42.

Iza člana 175. dodaje se član 175a. koji glasi:

“Član. 175a.

Odredbe članova 48., 62., 66., 86. i 99. primjenjuju se od školske 2002/2003. godine.”

Član 43.

Zakonodavno-pravna komisija Skupštine Kantona utvrdit će prečišćeni tekst Zakona o osnovnoj školi u roku od 60 dana od dana stupanja na snagu ovog Zakona.

Član 44.

Ovaj Zakon stupa na snagu narednog dana od dana objavljivanja u “Službenim novinama Tuzlanskog kantona”.

Bosna i Hercegovina Predsjednik
 Federacija Bosne i Hercegovine Skupštine Tuzlanskog kantona
 TUZLANSKI KANTON
 Skupština
 Broj: 01-02-370-23/02
 Tuzla, 28. 2. 2002. godine

Dr. Izet Žigić, v.r.

56

Na temelju poglavlja IV, odjeljak B, članka 33. stavak 1. točka e) Ustava Tuzlanskog kantona, donosim

UKAZ

O PROGLAŠENJU ZAKONA O IZMJENAMA I DOPUNAMA ZAKONA O SREDNJOJ ŠKOLI

Proglašava se Zakon o izmjenama i dopunama Zakona o srednjoj školi, koji je donio Sabor Tuzlanskog kantona na sjednici od 28. 2. 2002. godine.

Broj: 01-190/02
 Tuzla, 11. 3. 2002. godine

Predsjednik
 Tuzlanskog kantona,
Mr. Selim Bešlić, v.r.

ZAKON

O IZMJENAMA I DOPUNAMA ZAKONA O SREDNJOJ ŠKOLI

Članak 1.

U Zakonu o srednjoj školi (“Službene novine Tuzlansko-podrinjskog kantona”, br. 4/96, 9/97 i 5/98 i “Službene novine Tuzlanskog kantona”, br. 9/99) članak 1. mijenja se i glasi:

“Ovim Zakonom uređuje se obavljanje djelatnosti srednje naobrazbe, utemeljenje, organiziranost i financiranje rada srednje škole, organiziranje i izvođenje obrazovno-odgojnog rada u srednjoj školi, način imenovanja i nadležnost organa srednje škole, status nastavnika, stručnih suradnika i suradnika, status učenika i druga pitanja u svezi obavljanja djelatnosti srednje naobrazbe.”

Članak 2.

Članak 2. mijenja se i glasi:

“Djelatnost srednje naobrazbe, sukladno ovom Zakonu, obavlja srednja škola.

Srednja škola je ustanova u kojoj se vrši srednja naobrazba i odgoj učenika koji su završili osnovnu školu.

Srednja škola ima svojstvo pravne osobe.”

Članak 3.

Članak 3. mijenja se i glasi:

“U srednjoj školi nastava se izvodi na službenim jezicima Tuzlanskog kantona.”

Članak 4.

Članak 4. mijenja se i glasi:

“Kada u srednjoj školi ima najmanje 30 učenika pripadnika etničke zajednice, za njih se u školi organizira i nastava jezika etničke zajednice.